

Anpao Kin.

THE DAYBREAK.

"Wankantanhan Anpao kin hiyounhipi."—Luke 1. 78.

VOL. XVII

FOREST CITY, SO. DAK., JAN., 1901.

NO. 2

ANPAO KIN.

REV. E. ASHLEY
REV. W. J. CLEVELAND } Editors

Anpao wotanih wowapi kin wi iyohina, wiyawapi anpetu tokaheya eca wowapi tokxu kin ogna yewicakiciyapi ece.

Wi akeuom (one year) on kaxpapi yamni kajujuhi kta.

Wi xakpe kin kaxpapi wanji sam okise. Icupi xni itokab kdajujupi kta.

Wowapi askabyapi maxaxana wanji qaix nonpa owapi kin, mazaska eekiya, ANPAO KIN opeton okilhipi kta.

Tuwa wowapi kagin kte ca wowapi ska sani el owa kta.

Opetonpi kta wowapi hiynkiyapi qaix ed taku oyakapi kta cinpi na hiynkiyapi ca, wowapi ojuha akand deced owapi kta.

REV. E. ASHLEY,
CHEYENNE RIVER AGENCY, S. D.

Yawaxteya Cajeyatapi Wowapi Wan.

ANPAO KIN icikoyagunyanpi qa wicoran waxte eon iyounpaxtakapi kta wookilhi yuha. Okodakiciye-wakan opapi tka abebeya tipi kin, hena iyotan taokiye waxte heca kta. Bixop waun kin eciyatanhan, taku ecanon onxpaxpa oyakapi qa taku bduotaniu kta wacin kin hena owasin, qa Tipiwakan iyaza omawani woyakapi kin hena, qa nakun Okodakiciye-wakan kin wotanih tawa toktokeca ed kagapi kta. Oyate unkitawapi kin owasin ANPAO KIN icupi qa sanm wicaxa tokeca wicakupi nin ecanmi.

W. H. HARE,
Yewicaxipi Bixop

YEWICASAPI ON OMNICIYE KIN.

The Missionary Council.

Hekta October 23, 24 na 25 he ehan Louisville, Ky. ekta Yewicaxipi Omniciye kin econpi. Itokab Anpetu Wakan kin icunhan, Bishop na Wošna kaga ota el unpi, otonwe kin he el Tipi Wakan ota, hecel Bishop na Wicaša Wakan tokantanhan hipi kin wahokonwicakiciyapi kta e wicakicopi. Anpetu Wakan wicokan sanpa, Omniciye tipi wan lila tanka kin hel, otonwe kin etanhan wakanheja tona Anpetu Wakan wayawapi kin hena mnawicakiciyapi, na iyepi on omniciye wan kagapi. Yunkan 5,000 el opapi, na Bishop na Wicaša Wakan etanhan, wotanih wašte oaye cin on tantanyan wowicakiciyapi.

October 23d wikcemna sanm okise ape con, hehan Tipi Wakan itancan kin el Wotapi Wakan econpi, na tona kalnihi hipi kin ptayela se icupi. Bishop 32, Wicaša Wakan 80, na wicaša ikceka 20 omniciye opapi. Bishop tona hipi hetanhan Bishop Whipple he tokapa cankel, Wotapi wakan yuwakan na Omniciye el Itancan yanka. Bishop Partridge, Kyoto,

Japan etanhan, na lecala se Bishop yuwakanpi kin he, St. Matt. 2:11. "Yunkan wopiye gluhlo-kapi hehan taku qupi, mazaskazi, na canšin na pejihuta waštemna koya" on wahokonwicakiciye. Lila wayapike cankel taku eye cin he tanyan okiksuye wašte. Mazaska qupi kin he maza oyasin etanhan wanji iyotanlapi ece kin hee qupi, hecel unkiš Jesus taku unqupi kta hecinhan taku tona iyotanunlapi kin heca unkicunpi kta iyececa. Wicaša Wakan na tona Yewicaxipi wowaši econpi kin tuwa owicakiciyapi kta ehan-tanhanš taku tani, naiš takulapi šni kin unpi kte šni. Nahan wicaša na wiuyan tona Wotanih wašte ayewicaxipi kinhan, tona iyotan wašte, ksapapi na woyupikapi kin na tewicalinlapi kin heca ece yewicaxipi kta iyececa, keye. Eya taku ota eye tka, oblake cin aiyoptye wacajeyate.

Omniciye kin le tona opapi na hipi kin, na škanpi icunhan, Louisville oyatepi kin, owote tipi naiš tipi tawapi kin el wicayuhapi na tanyan wicakuwapi. Anpetu yamni omniciye yankapi kin, anpetu iyohila wicokan wotapi kin he oyasin ptayela owote tipi wan tanka el wotapi.

Oct. 23 wicokan sanpa omniciye yulolikapi, na Dr. Anstice, eciyapi, he wowapi kagin kta yušanpi. Hehan Rev. Dr. Lloyd, Yewicaxipi Secretary kin he woglake na owancaya wotanih wašte ayapi kin he cajeyata. Hehan George C. Thomas, mazaska awanyake cin el hi šni tka tawowapi kin he Rev. Dr. Kimber kiciyawa, na he eciyatanhan, hekta omaka kin icunhan Yewicaxipi kin on mazaska woyawa tanka wanji mnayanpi keya. Hececa eša wocekiye oyanke ota takuni kicunpi šni, heon mazaska ota seca geyaš wicohian econpi kta iyececa kin on nahalicin iyena šni keya. Le wacajeyatapi icunhan, obašpe iyohila etanhan, wocekiye oyanke tona kicunpi na tona kicunpi šni on, Bishop Tuttle, Missouri obašpe etanhan tantanyan woyake, ca icunhan South Dakota obašpe unkitawapi cajeyate; yunkan oyanke oyasin etanhan nomnala takunni kicunpi šni oyake. He wonašon lila oiyokipi tka našon manke icunhan, He! oyanke henios tuktelu he, na toka hwo ecanmi.

Omniciye kin el taku oyasin

se iwoglakapi, na lila ota cankel, lel unkoyakapi kta uncinpi eša, lila okan kte šni. China, Japan, Africa, Cuba, Porto Rico, Philippine wita kin, na United States el Yewicaxipi kin on wicajeyatapi kin tona našon yankapi kin oyasin cante kalya unpi, na Okolakiciye kin le Jesus Christ Wotanih Wašte tawa kin he tokel okihika yuicagin kta iyececa na kipi awacinpi. Na miyecušcin, tokin So. Dakota el unqonpi kin le on lila iyounkicipaštakapi ni ecanmi. Eya tanyan econqunpi unkokiyakapi ešaš, tokel unkokhipi kin nahanšcin hehanyan unyucetupi šni. Yewicaxipi kin mazaska unkicunpi kin hena, tokaš wanna tokelipeunyanpi unkecinpi naceca, tka hiya hecetu šni. Icin Taku Wakan el waunkiylutatapi kin tohinni atakunišni šni ye lo. Wicoie kin lena awauncinpi wašte. "Aguyapi nitawa mini ite akanl kala elipeya yo; anpetu ota kinhan ake iyeyayin kta." (Eyan 11:1.) Na ake Jesus toie kin lena: "Tuwa kaša, tipi, hunkawanjitku, tawinohtin, atkuku, na hunku, tawicu, cinca, na maga micaje kin on etanhan elipeye cinhan, he opawinge akigle gluha kta, nahan owihanke wanin wiconi mnaiciyin kta." St. Matt. 19:20.

P.

WOTANIN IKCEKA.

St. Paul, Minn., Nov. 22. — Senator Cushman K. Davis iye ti kin ekta ša. Sipinkpa wanji cisciye la ha yulilayapi yunkan hetanhan we šica. Wi nonpa lila wayazan na icunhan pejuta-wicaša wayupika kuwapi eša akisniyapi kta okihipi šni. Mr. Davis lila wicaša okinihan. Hokšila ehanhan wakiya-wicaša kta on onspeiciya na 1867 hehanl Minnesota makopašpa ogna wakiya-wicaša omniciye kin el opa kta kalnišgapi. He itahena, Tunkanšilayapi ti ekta Wakiya-wicaša tomniciye unma wakan-tuya kin opa kta yamni kalnišgapi. Wicohian tanka na wašte ota el wašagya wawokiya škan kin on United States ogna oyate unpi kin iyuha šcin pilawicaya. Cinca wanica tka tawicu he nahan atkuku na hunku kin, wana lila kanpi yeša, nahanšcin ni unpi.

Blokehan ake Milahanska oyate wicayawapi yunkan hetanhan

taku ota tanin. Wanji lee. United States ogna otonwe tanka, iyohila wicaša koktopawinge wikcemna nonpa sanpa koktopawinge zaptan na sanm iyeya el unpi kin, hena lehanl 159 hena-keca. Oyate ataya hekta wicaywapi qon itahena lila olankoya sanm ota ayapi eyaš otonwe tankinkinyan kin hena iyotan lila sanm tanka icaga tanin. Otonwe tanka sanm tanka icaga šni kin conala. Omaha, Neb.; Lincoln, Neb. na Sioux City, Iowa, hena heca keyapi.

Wisconsin makopašpe kin el makoliloka wan lila tanka lecala iyeyapi. Oliloka ciqala ogna maka mahel iyayapi yunkan makoliloka sanm tanka wanji el ihunipi. He ohanska cin sihai-yutapi opawinge nonpa wahecetu na owaslatu kin siha iyutapi wikcemna topa. Hetanhan inyan tanka wan oko iyeyapi na ogna yuslohan hiyuiciyapi yunkan ake mokoliloka unma tokeya el ipi qon isanpa tanka ekta ihunipi.

Boer oyate Tunkanšilayapi, Mr. Kruger eciyapi qon, he France makoce ekta icimani i yunkan lila iyuškinyan napeyuzapi na yuonihanpi.

Maka akan zitkala toktokeca lila ota yukanpi. Nov. 17th hehanl California makopašpa etanhan zitkala heciya onyanpi sa kin owe oyasin etanhanhan ha koktopawinge topa Princeton College, N. J., ekta wicakupi. Arizona na Nevada makopašpe kin ekta zitkala onyanpi sa kin nakun hetanhan onge opa. He itokab hel zitkala ha owe toktokeca koktopawinge nonpa India makoce na Malay wita kin etanhan wicakupi. Maka kin ataya zitkala owe toktokeca tonakeca kin na hena iyohila tokecapi hecinhan slolya cinpi na he on hena mnawicayapi.

Cuba ekta wana tawaičiyapi kta on wakiya omniciye on yuhapi na woahope ičicašgapi kta on omniciye tanka econpi.

Chicago, Ill., Nov. 26. — Wagmeza lecala iyutapi (Bushel) wanji yunkan 50c. iyoeyapi. Hekta tohinni hecel telike šni. Ohinni 20c. wahecetu iyoeyapi tka.

THE DAYBREAK.

REV. E. ASHLEY
REV. W. J. CLEVELAND } Editors

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription is 30 cents per annum in advance and may be paid in one or two cent postage stamps.

Single subscriptions for six months, 15 cents.

All subscriptions and matter for publication should be addressed to

REV. E. ASHLEY,
Cheyenne River Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

Entered at the Postoffice at Forest City, South Dakota, as second class matter.

Published at the office of the FOREST CITY PRESS, Forest City, S. D.

OKOLAKICIYE WAKAN WIYAWAPI KIN

JANUARY WI KIN.

1. Christ Bakihlayapi kin. Ska
6. Epiphany kin-Christ oyate el yutaninpi kin. Ska
13. Epiphany kin iyohakab Anpetu Wakan tokaheya, Ska
20. Epiphany kin iyohakab Anpetu Wakan inonpa. To
25. St. Paul Yuhomni kin, Ska
27. Epiphany iyohakab Anpetu Wakan iyamni. To

Wotanin-waste Ayapi On. Wocekiye.

Anpetu iyohi wicokaya he cin ehan heyapi kta.

Wanikiya waste isto wacantkiya. nifawa kdugad, cancipawega akan otkeyahan yaun tka qon, maka akan wicasa un kin owasin Niye ekta etonwanpi qa niwiciayapi nunwe. Amen.

Wanna oyasin iyuskinyan, Christmas (Anpetu Wakan tanha) oyapapi naceca. Christmas taku ke cin oniciyakapi hecinhan awacin po. Wakantanka Ateyapi kin wawicawapi tanka hea unqupi nayahonpi na wicalayapi hecinhan wopila tanka luhapi kta. canicipi. Wanna Epiphany-Christ oyate el yutaninpi qon-wokiksuye kin el unyanpi. Tokel yutaninpi he. Wicasa ksapa wiyohiyanpatanhan hipi qon he ehan. Hetanhan lehanyan ohinni Jesus oyate el yutaninpi kta cinpi tka. Wicasa ksapa hipi qon Jesus taku qupi he. Mazaska-zi, Canšin, na Pejihuta wastemna qupi. He woawacin hea. Jesus unkieitoppi na unkiyapi el yutaninpi on piunlapi ehantanhan taku yanpi kin le unkiš eya unqupi kta. Wanikiya hi na piwala ce unkeyapi esa, na lena taku unqonpi šni hecinhan, wicankapi kta šni. Tka mazaska-

zi, Canšin, na taku Pejihuta wastemna kin waunkiylutatapi kinhan piunlapi qon he unkiylutaninpi kta. Heceel ito lehantu kinhan tona mazašala yecunpi qon wakan wapa kicun wacanipi waste. Nahacin mazaska-zi kin unkihunipi šni. Owekinis tuwa eye kta. Hehehe! wicayaka tka takuni blaha šni ye lo kola. Hececa ehantans wowasi wanji ole kola, na wayakamna kin etanhan wakiyulitata ye. Sanpa Jesus oyate el yutaninpi cinpi epe tka Jesus ohonalapi kin nahacici opiye ecel unkalilokapi šni cankel ocon tke na iwasaše šni sece. Iyukean, awacin ye kola.

OKOLAKICIYE WAKAN WIWICAWAN GAPI KIN.

Woonspe Iwikemna šakpe.

ST. LUKE TAANPETU.

W. St. Luke wokiksuye tawa kin tohantu he.

A. October wi wiyawapa iakosaglogan ehanu.

W. St. Luke tuktel tonpi he.

A. Syria (Suria) makobašpe el Antioch etonwe itancan kin, na owayawapi kin on otanin hee cin ekta tonpi.

W. St. Luke taku onspekiyapi he.

A. He ehan woonspe tona yuhapi kin oyasin onspekiyapi; na wicite na takuku owa wayupike.

W. Wicohan hea tukte wanji yuha he.

A. Pejihuta wicasa wicohan, na St. Paul "pejihuta wicasa" waste eya cajeyate.

W. Tuwa ca St. Luke Christ el yuhomni he.

A. Owekinis St. Paul hecon, lakaš ohinni wacinyepica kici un.

W. St. Paul kici tokiya ya he.

A. St. Paul tokaheya Macedonia ekta ye con kici ya; na ohakab Rome etonwe el St. Paul kaskagnakapi qonhan kici yanka.

W. Tokiya Wotanin Waste oyaka he.

A. He Egypt na Greece el wotanin waste on wahokonwicakiye.

W. Tuktel un na Wotanin Waste kin owa he.

A. Akeya el un na St. Paul okiye con hel owa.

W. Wowapi Wakan Teca etan nakun tuktel wowapi wanji owa he.

A. Wahosiye wakan obanyanpi wowapi kin he.

W. Wiconte tawa kin on taku slolxapi he.

A. "He can wiglican wan el Greek wicasa wacetuglapi kin otkeyapi na ktepi" he St. Jerome heya.

Kiksuya Po!

Hekta September wi; Hinhan wakpa ekta, Convocation econpi kin el wicohan lecel cajeyatapi na wayuſtanpi;

Hehan Rev. Luke C. Walker wacajeyate qa he Rev. E. Ashley okiye qa okna yuſtanpi he decetu.

Convocation kin de wonahon oiyokišice wanji naunhonpi unkan Hoſwoju yewicašipi oyanke kin de en wicasa wan Matthew Charger (Waanatan) eciyapi kin he te qon hee he ohniyan Christian wicaka qa wacinyepica ikdu-tanin ecee-heon decen unkeyapi kta. Ito womnaye wanji econ-qonpi kta qa tukten hapi kin en Inyanska wanji eunkieikdepi kta qa nakun tipi wakan wan okna woohoda eye s'a qon en, Wokiksuye wanji eunkieikdepi kta.

Hehan Rev. E. Ashley he waanatan tawomnaye kte cin he mazaska kin awanyake kta yuſtanpi.

Lebanyan Mazaska, 11.40. maqupi, tka ota nahacici takuni maqupi šni. Ito taku kin awihnyukeanpi na kohanna unyuſtanpi kta waste.

- Womnaye Awanyake cin.

Pine Ridge, S. D.

Dec. 5, 1900.

Kola:-

Convocation ekta committee unkaſapi na Commissioner of Indian Affairs wowapi qu unšipi qon he ecel econqonpi yunkan lecala Tunkanšilayapi ti kin etanhan tokel unkeyuptapi kin he lel ihukuya ieska owa ciyapi.

Yours truly,

Wm. J. Cleveland,

Chairman of Committee

Sir:- Noy. 8th ehan wowapi mayecaſapi qon he iwacu. He el lecel emayakiyapi: "Protestant Episcopal Church Convocation econpi ekta committee nicagapi na Sioux (Lakota) oyate kin, sanpa tanyan wašicun iyeceel igluha onspe ayapi kta na citizen onyanpi kin ekta ihuniwicayapi kta ca on taku, wanjiſi lila ekta etonwanpi kta iyececa kecannipi nahan on tokel eeaniciconpi kta iceunyakiyapi qon lena ee:-

"1st. Fourth of July wocon econpi cannahan iyayustag wicohan šica koya econpi yukan kin hena anaptapi kta ca on Lakota kin Wašicun owicapeya škanpi kta on Wašicun etonwe kin ekta kta yapi sa qon he tokata econpi kta šni, tka iye tamakocepi kin hel ecela anpetu kin he wocon tawa kin hena econpi kta. Na he Milahanska oyate tawaiyapi qon wokiksuye anpetu kin hee lakaš Tunkanšilayapi kin ihukukuya tuwa Ateyapi kin he tanyan yuhapi kta iyececa, iwicakiciyukean kinhan, he oga Lakota econwicakiciyi na awanwicakiciyakin kta; na hecel on anpetu kin he taku hee cin on kiksuyapi kin he, nahan tokelkel tantan-yakel he yuhapi kta iyecece cin hena ohinni sanmsanm onspewicakia ayin kta.

"2nd. Lakota kin anpetu kin he

kiksuyapi kta ca on tuktel ahimniciyapi yunkan iyayustag Lakol wicohan tanike na on iglušicapi kin heca econpi, nahan tawakanhejapi kin sanm onspewicakiyapi sa kin he ayuſtanwicakiyapi kta: iyotan Wiwanyag Wacipi, hekta waniyetu ota econ šni unyašipi qon, he el weyeiciyapi qon hecela opa šni, taku ikoyake ciqon hena ikikeu wacin se škanpi kin he.

"3rd. Fourth of July cannahan, nahan nakun tohantu keša, wicohan wan otulanpi eciyapi qon; on igluwahpanicapi na oyate kin sanm wicohan waste onspe ayapi kta tka iwicakušeya yanke cin wanji hee; nahan Tunkanšilayapi kin he nitaoyate kin ega wicasa iyohila iyoičihi kta cin na kuwa kin he kipajinyan econpi sa kin wanji hee; nahan oyate kin wicohan kin he sanpa onspeiciyapi na hecena gluha yapi kta on lehanl piyakel lila econpi, na lecala icagapi kin koya econwicakixapi kin, haon etanhan, tohanyan okihipica kinhan, he wicohan kin anaptapi kta na econ šni un cinwicakiyapi kta.

"Iho, icemayakiyapi qon hena ee, na on lecel aciyuptapi. Taku yuecetupi kta iyececa ilukeanpi na omayakilakapi qon, hena econpi kinhan, Tunkanšila ti ekta unqonpi kin unkiš eya waste kta unkecinpi: na hecel econpi hantanhanš, he eciyatanhan on nitaoyatepi kin iwaštepi kta ilukeanpi na oyaglakapi qon, he unkiš eya hecetu unlakapi.

"Heon etanhan, le anpetu kin, South Dakota oga Lakota Ate-wicayapi unpi kin hena iyohila wowapi wicawapi na taku kin, lena ekta etonwan wicawaš; na taku tanyanke šni cajelatapi qon hena tokel yuasnipi kta, na Lakota sanpa wicayuwaste kta on onspewicawakia.

"Tokel ewicawakia kin islolyayapi kta ca on wowapi wicawapi qon heca wanji le wowapi kin kici hiyuciciyapi.

Very respectfully,

W. A. Jones,
"Commissioner."

"Okodakiciye wakan owancaya kin" (the Holy Catholic Church) he taku kapi he?

St. Andrew, Sunkakiciyapi kin, Provincial Chapter kin Convocation icunhan, yuwitaya muciyaapi, qa woonspe wašteša kin on, woiwange wanjikji yuha unškanpi, tka hena cajeyatapi qa etanhan woonspe wanjikji icupica, tka unhduſtanpi, heon dehan ded iwankam owapi kin, etanhan tohed owakihi kin obdake kta e.

"Anpao kin" miciyaotanin kta icewakiye do. "Okodakiciye wakan owancaya kin" he taku kapi he?

St. Paul, Timotheos tokaheya wowapi kicage cin wicoyake iya-mni, qa oekde iakezaſtan kin, ed cajeyate, "he okodakiciye Wakan-

tanka ni un tawa kin ee, wowicake ihupa qa taku ahe cin hee" eye. "Ihupa," tipi tanka heca kin hena ohdateya on ipatan hdepi kin hena ohni inyan on sutaya kagapi ecee, qa he iwankam tipi wan akagapi qa he nakun inyan un kagapi, taku nina tanka qa tke, ipatan oahde kin hee, heced St. Paul ke. "Wowicake taku ipatan ahde he cin hee." Tka eya oekde kin de ed St. Paul tipi ke šni ecin tipi heced kagapi keš hena wowicake ipatan heca šni, tka de itokam St. Paul wicašta-wakan cajewicayate, qa nakun wocekiye, qa wicaštayatapi, qa oyate ed tona wowaš'ake yuhapi kin, hena on wocekiye eye wicaši, qa wiwazicapi hecekeed tokaheya cajeyate qa behan de cajeyate. "Wowicake ihupa qa taku ahe cin hee" ce eye; heced "Okodakiciye wakan owancaya kin he ke, wowicake taku ipatan ahde he cin hee ka. Tohni nakon wanikiya unkitawapi kin tuwe St. Peter eciyapi kin eciye ciqon "Inyan he niye, qa innija kin de akan okodakiciye mitawa wakage kta; qa wakanšica tatiyopa kin he yujuju kte šni" eye. Unkan he nakon "Okodakiciye wakan owancaya kin" ke. Nakon St. Matt. 18:17 ed taku cajeyate kin, dekeced un qa taku kin dena on etanhan "Okodakiciye wakan owancaya kin." Jesus iye, Taokodakiciye kin taku wan ituya cin cin caje yatapi wan heca kta e cin šni, tka tona he ed unqonpi kin ihnunhanna taku wanji on unkoiehipi šni kinhan he ed unhipi qa owicunhiyakapi kte, tka tuwe wan okodakiciye wakan kin anagoptan šni kinhan he okodakiciye wakan kin etanhan kašpapi yawapi kta ce eye heon Jesus St. Peter heciye "Okodakiciye mitawa innija de akan wakage kta" ce eye. Nakon St. Paul heye "Qa yewicašipi waayatapi ka taku oahde tawapi kin akan tinicagapi, Jesus Christ he oise otancanke kin hee" ce eye, qa he etanhan wowicada unyuhapi kin ed toked unkeyapi kin.

Okodakiciye wakan kin he Jesus toked econ wicaši kin iyeced qa dehan maka owancaya Bishop, Priest qa Deacon awanyakapi qa ayapi. Okodakiciyapi kin on niyanpi qa tona kin icaliyapi qa wowicada wanjina, otokahe ehan-tanhan qa dehanyan maka kin owancaya yuhapi.

Unkan "Okodakiciye wakan owancaya" eyapi kin he makoece owasin, oyate owasin qa omaka owasin iyoopta ye kte cin heon heced cajeyatapi, ecin Okodakiciye wakan tauni kin he hececa šni, he oyate wanjina on kagapi, Moses taanpetu kin hetanhan qa Jesus hi kte cin dehanyan on kagapi. Oyate kin he tipiwakan wanjina yuhapi, qa Juda oyate owasin he ekta ipi qa wošnapi qaiš taku wanjikji hed econpi ece, qa tipi wakan kin hed ikeewica-

šta yapi kta e iyowinwicakiyapi šni, tka Juda Okodakiciye wakan kin he "Okodakiciye wakan owancaya kin" kici icitokea ecin-pica šni. Wakantanka wanjina ohodapi kin he hekta, dehan qa owihanke wanin owanjina kte, qa Okodakiciye wakan tanni kin, wowapi-wakan, waayatapi, qa woope kin qa Psalm toked yuhapi kin, qa wicaštawakan obe yamni wicayuhapi kin, dehan Okodakiciye wakan kin is iyeced wicayuhe qa Jesus maka akan un qehan iyeced ed etonwe. Iye kin Bishop iyeced un qa wahosiye akenonpapi kin, qa waonspewicakiye cin etanhan wikemna šakowin wicakalinige qa yewicaši (St. Luke 10:1), heced Jesus taokodakiciye toked ayapi kte cin wahosiye wakanpi kin onspewicakiye. Acts 1:3. Unkan tokiya kešta okodakiciye icaliyapi kin apa nina icitehan ešta taku kin dena ed okowanjina unpi e History kin eciyatanhan iyeunyanpi. Wowicada, Wakiconzapi, Wicašta wakan obe yamni kin qa wowapi wakan tanni qa teca kin hena owasin unpi. Wayuotanin wowapi kin ed Okodakiciye šakowin cajeyatapi (Rev. 1:11) oyate ošpaye toktokeca qa hena iapi toktokeca yuhapi, qeyas wicohan kin owanjina yuhapi Rev. 2: o. 3; hena etanhan dena yuwitaya okodakiciye wanjina kin tanin, qa hena itokam waziyata, itokaš qa wi-yohpeyata okodakiciye toktokeca icage ešta hena owasin wicohan iyakiyeced yuhapi.

Unkan heon dena owasin yuwitaya "Okodakiciye wakan owancaya" wanjina he kapi. Wocekiye unkeyapi wanji ed "Iyotan okodakiciye wakan owancaya kin heon ceunniciyapi" unkeyapi, qa nakun wocekiye wanjikji ed. Unkan Okodakiciye wakan ošpaye tuktel onpapi kin hed ecena he on unkeyapi šni. Ecin Jesus wakan kinhde cin hehan wahosiyeipi kin iyayapi qa sanpa anpetu owas sanpa icaliyeye, qa ohanketa unkiš unhiyohipi, qa taku tona yuhapi kin owasin unyuhapi. Maka otokahe ehan-tanhan anpetuwi kin wicašta maka akan unpi kin aiyo-yam wicaye qa iyokipi wicaye cin owihanke šniyan heced škan, Okodakiciye wakan kin he iyeced škan, toked wicašta iyoyam wicaye qa ksam wicaye cin ayušan šni škan. Nanhanš maka kin ed wicašta tokeca wanica qa Adam hecena un qehan wi kin iye ishana on kagapi se yanke, he iyec-ea se dehantu kin nanhanš oyate kin okodakiciye wakan kin iwaš-tepi šni tka miye mišnana imawašte kinhan heced taku kin de ituh ehdepi seee, tka taku wakiconzapi kin okodakiciye wakan kin etanhan hea iwacu, toked Jesus taokodakiciye kin taku tona yuhe kiye cin ohnayan hea iwacu, qa otokahe ekta wahosiyeipi kin

toked icupi qon iyeceli iwacu; heon Okodakiciye wakan owancaya kin he maka oyate owasin omaka owasin iyoopta ye kta qa owasin iwaš-tepi kte cin hee, qa heced on kagapi qa wanjina. "Wicatancan wanjina qa woniya nakun wanjina nicopi kin ed wocacinye wanjina inicopi kin he iyecceca" (Ephesos 4:4) qa nakun dena yawa po. 1 Cor. 12:13; Eph. 2:19; iapi dekececa eciyatanhan wowašte tanka qa wowa-onšida tanka unqupi kin St. Paul hena cajeyate qa sdonye unkiyapi. Heced tukte oyate keceyas dena taku kin icupi kin eciyatanhan hena oyate owanjina hecapi, qa he woyuonihan qa wowašte tanka; owanjina nakaš heon St. Paul nakun keye "Heced wicatan can kin ed yuobdecapi wanica kta, qa wicahuha kin hena otioyohi awakicicini kta" ce eye (1 Cor. 12:25). Qa Jesus te yacopi itokam hanhepi ed wocekiye hanka eye cin, tona ihakam upi kte cin hena on wocekiye eye. "Hecen on owasin wanjipina kte" (St. John 17:21).

Hececa ešta Christian unpi kin iapi kin de tehan kiksuyapi šni qa iye tawacini ohna škanpi kta cinpi, qa "Okodakiciye wakan owancaya kin" etanhan wacinkopi qa dehanyan kinajinpi qa he-tanhan wowicada tokeca kagapi. Wanikiya unkitawapi kin he "umayaš kin he wicadapi kte" eye. Otokahe ekta wicotawacin okowanjina, Okodakiciye wakan kin ed icicupi unkanš wanna dehan wotanin wašte kin oyate owasin iyowicahi kte kta. Wicašta qa Winyan ota dehanyan tukte ehaš ed ope kta tanin šni unpi kin on nahanš wocekiye ope šni unpi. Unkan okodakiciye obe ota kagapi kin on hecece, qa Wanikiya unkitawapi toked wocekiye eye cin eced econpi šni kin heon. Eya taku kin de dehan Christian unpi kin nina iwohdakapi qa yuecetu ayapi kta e cinpi, qa unkiye ni unqonpi ed de eceta kte šni nacece qeyas tokata hecetu kta wada. "Unwanjipina šni kin heon waunšakapi šni" eyapi he hecetu. Otonwe wan nina cistina owasin he wandakapi naceca Springfield, So. Dak. hee otonwe iyotan cistina eša tipiwakan obe topa ed han, heciyatanhan owasin taku tanka econ kta okihipi šni. Okodakiciye wakan owancaya kin wanjina keya owapi qon Eph. 4:4, 1 Cor. 12:12, 25, St. John 17:22; Ps. 122:3, St. Matt. 12:25 dena eciyatanhan wicakapi dehan wanunyakapi Christian Okodakiciye kin wicayuhdeceapi tanka. United States ed Christian obe 140 isanpa ed unpi, he eciyatanhan wašakapi šni kin hee. Unkan he wokokipe, ecin hena eciyatanhan Wakantanka iyokipi šni unyanpi ecee. "Ecin Okodakiciye wakan kin he Wanikiya unkitawapi okde tawa ce seece,

"qa nakun tašina icupi šina kin he okagege wanica" heon heyapi. "Šina kin he unyuhdeceapi ktešni, econkupina qa yeunhiyapi kte heced tuwe ohiye kinhan he yuhe kta," eyapi. St. John 19:23, 24. Ecin he nakun yuhdehded kieipamni ehan-tanhanš sanpa unpica kte šni. Iho heced Okodakiciye wakan kin yuhdehdeceapi šni unkanš nina wiyokihi qa dehan wanna oyate owasin iyowicahi kte, tka yuhdehdeceapi kin on dehan wašaka šni kin hee. "Ihaha tawa wanjina kawegapi kte šni" eyapi tka, heced taku wošice tanka econpi kin de dehan Christian abdes ayapi qa nina iwohdakapi.

Akeš okodakiciye wakan he owancaya qa okowanjina hecena kte šni, tka wakan kta iyecceca. "One Holy Catholic" he eciyatanhan wicašta wakan ed unpi owas wakanpi qa waš-tepi kapi šni, eya heced unpi kta iyecceca tka. Okodakiciye tanni kin ed Pharisee qa wowapi kagapi Moses etanhan unpi hena owasin waš-tepi hea hecapi šni, qa Jesus Waonspewicakiya akenonpapi kin ehna Judas iyotan šice. Hehan Okodakiciye wakan ed opapi owasin wakanpi qa waš-tepi unkapi šni eya heced unpi kta iyecceca tka; heon Wanikiya unkitawapi taokodakiciye kin wiyacini wanjikji on cajeyate; "He wanna ojuna hehan hutata ahdipi, ed iyotankapi qa waštešte kin cega ohna mnakiyapi, taku šiksice cin hena ehpeyapi St. Matt. 13:48, 49. Okodakiciye wakan ded maka akan un kin ed ocaje owas witaya mnawicaye kte makoece uman kin ekta ojuna awicaku kte, qa behan mnawicaye kte. Akeš maka wan iyacin (St. Matt. 13:24); akeš adetka taku hecekececiyacin. Heced Okodakiciye wakan unkeyapi, taku owas wašte qa wakan unkapi šni, heced unpi kta iyecceca tka. Tka taku wanjikji on wakan unkeyapi; ecin tuwe pa kin he wakan (Jesus) qa he malpiya ekta un, qa "Okodakiciye wakan owancaya" kin he Woniya Wakan kici un, heon wakan, qa ed opapi kin hena owasin Baptisma on wicayuwakanpi qa Wakantanka cinca wicakagapi qa Wicayusutapi kin on. "Unkan hena, oyate wakan, Jehowa opewicakiton, ewicakiyapi kta" Isaya waayata kin eye. Is. 62:14. Hehan taku tona Wakantanka qupi hena wakan. Wakiconzapi hena, qa tipiwakan ohna waceunhiyapi hena wakan qa Wicašta wakan hena wocecon wakan itancan kin ecakiconpi, qa hena wanjikji waš-tepi šni eša hena wakan eyapi kta iyeccece, qa Christian owasin wakanpi, tancanpi kin Woniya Wakan oti kin hee nakaš.

Akeš "Okodakiciye wakan Owancaya" unkeyapi kin, Christ ake hi kte qa Okodakiciye wakan tawa kin ed taku tona wašte šni

kin hena anpetu ehake kin ed hena token elipeye kte qa hehan awicakehan owihanke wanin wakan kage kte. "Qa heced iye ekta ehdaku kta, wowitan okodakiciye kin heca, woasape qa yu- skipi, qa taku hececa wanica, heced wakan qa asape sni un kta." Eph. 5:27. Ded maka akan okodakiciye wakan opapi kin wancana Baptisma on wicayuwakanpi he iyeced tokata wo- yuco anpetu kinhan tona Jerusa- lem wakan ed opapi kte cin hena wicayuwakanpi kte. Rev. 21:2. hetanhan wicayuwobdecapi wanice kte, awicakehan owanjina qa Catholic heca kte unkan he ed wicocage owasin etanhan wa- kantanka wakanpi tawa kin ed mwawicaye kta. Oyate owasin etanhanhan, itokaga, wiyohin- yanpatanhan, waziyatanhan qa wiyohipeyatanhan wicota upi kta. "Hena taku kin iyohakam wan- bdate qa, iho, wicota heca, wica- yawa kta tuwedan okihi sni, oyate hiyeye cin, qa wicoun kin, wicowazi kin iapi ko owasin otioyohi etanhanpi, oiyyotanke kin itokam, qa Amnos kin itokam na- jinpi, wokoyake ska ecee koy- kapi, qa Canwapa nape ohna yu- hapi," Rev. 7:9.

Joseph Goodteacher.
Andrus, S. D., Nov. 27, 1900.

Santee Agency, Neb.,
Nov. 26, 1900

My Dear Anpao kin:

Hanhapi wi-
hiyayena sakowin sam hanke ape qonhan Church of Our Most Merciful Savior, Santee Agency, Neb., okna Wakankiciyuzapi wan wanunyakapi. Wica kin he Mr. Thomas F. Hunter Ihanktonwan tipi etanhan kin he hee, qa Win- yan kin he Miss Louisa Campbell Isanyati tipi etanhan kin hee, hecen okini wanna winyan kin de Isanyati tipi kin en un kte sni tka Ihanktonwan tipi kin ekta on kta naceca kin on ito decen epe kta e iyomakipi. Eya, tuwe wan bdagcetutu kte sni, qais bda- siqe kta, qais ituya awaie kta ehantanhan hena nina wabdupi- ke, heon hehan, ee tuwe wan bdawaste, qais bdonihan kte cin hena ee kionmaspespekesni tka ito Louise Campbell Hunter ya- waste qa yaonihan uwate kta e Anpao, nina tanyan anamicigo- ptan nanke kta wacin, qa winyan wicota onahonwicayaye kta wa- cin, ecin nicaie kin he ohni ona- han iyomakipi ecee, "Wicokaya" eniciyapi unkan, hehanyetu ca tiyaza tiyode omawani ecee he- cen mihakam yaun esta okini iyemayaye kte sni, qais "Htaye- tu" eniciyapi ehantans hehanyetu ca Otankana ehana ozuye ekta to- ha kowicakipapi qa najica okda- kapi kin hena nahanyan iyo- makipi e hecen he iyehan en ma- yahi esa okini ciyawa sni ikce ciyuha manke qa wanna malba eca tiyokalimi kin ekta kaho iye- ciye qa inunke ecee kta tka. Qais "Hanyecokaya" eniciyapi ehantans coyatanka wanji hoaka- kta yajoyau kinhan okini naci- ton kte, esa inawajin qa koccipe,

cin on tiyopa kin aktali sutaya nawetake qa ake sina mahen imunke kta hecetu. Ho tka An- pao eniciye tukte okna wawio- yam yaye kte cin wayupikeci- dake, heon tohan taku wan ona- hon wiciyokipi seeca wada eca he yaotanin cisi ecee.

Mrs. Louise Campbell Hunt- er wanna waniyetu wi- keemna tob sam topa he- han hinknaton, qa hekta uye cin tohnina hinknaton sni hecen ehanna Wicadakota qonhan woo- pe tawapi kin wanji "Cekitipi" wicohan yuhapi qon he anpetu kin dehanyan unyuhapi qes tohan heconpi eca Louise tokaheya en hiyotanka ecee kta tka, qa on wawanyaka kin heyapi kte wan wanna peta kin alulnaga tka inihansni nahan wanji eecen yanke cin he tuwe hwo? eyapi eca Louise Campbell hee do- eyapi on kta tka kecamni. He- han nakun wicohan wan waste e econ, Dakota winyan kin hena tokaheya wasicun ikduzapi kte cin wotawatenye sni ecee, tka Louisa Campbell iye tokaheya isanah wasicun winyan tawapa- ha un ecee qa dehan wanna win- yan owasin iyecen econpi.

Hehan winyan wanji tokecin- cinyan omami heca sni tka owanji ohni tiyata un, qa nina ia on sni tka walbayedan un.

Hehan Wasicun wacipi eyapi kin he eyas tuktekten econ ecee tka he nakun tokecincin econ sni -ecin anpetusnisniyan watohan- hantukes is eya wowaci kin he econpi tuktekten Christmas an- petu qais Good Friday oknaka wowaci kin hena econpi ecee, tka is he Louise Campbell okna waci kta ehantanhan Tunkansi- nayapi tonpi anpetu Feb. 22 kin hee qais Bdoketu cokaya anpetu Fourth of July hena en waci ecee, qa hehan eqes wowaci anpe- tu onna kin hena huweipi esta wicawicakida sni qon heges oyawašice. Hehan nakun Louise Campbell Shakopee, Minnesota ekta makoce onspa yuhe qa oma- ka iyohi (Taxes) walpaya woka- juju he econ qais tohan okihi eca ake ekta iwanhdag i ecee qa bdo- kehan heciyatanhan wasicun wan wowapi qu qa makoce kin he mazaska ota on opekicaton kta keciye, qonhan wowapi kin he makipazo qa iyukean masi qa ito qeyas ekta wapa owekiš naku- tuweli sam ota on cin kte seca hecen unkiyukcanpi qa okna kici- wakdušan. Ho he nakun wico- han kin waste hena hecetu, tka Anpao kin hena ee lica e om he wowapi kin de ciyu kin hee sni, ecin tuwa wan hena hecen un esa hehan ee iye nagi kin on ta- kuna econ sni ehantanhan toke- lein he tuwa kin wicaša cejipi kin, qais malpui oknikde cejipi kin is eyecen ia okihi esa. Wa- kantanka wastedakapi kin he yuhe sni ehantanhan maza sa- snasna, qa taku ituya sni kin he iyecceca kta e wowapi wakan kin en unyawi. Heon owekinis- tuwa hecin kta naceca, winyan wan nina tanyan opiciye hecen eca Okodakiciye wakan wan un- kiopeyapi yanke cin, hee qa tipi wakan qeya unkdepi qon qa Winyan omniciye unyuhapi qon hena etkiya Louise Campbell to- ken tawacin kin naka eed? Tu-

wali ecin kta naceca, ho hee lica e he anpao oeciyaake kta e heon de cicage do. Cistinna lica ehan- na mniakaštanpi, qa ake Isanyati winyan tona otokaheya Wicayu- sutapi wicohan qon he icupi kin Louise Campbell hen opa, qa ehantanhan anpetu kin dehanyan Itancan Htaye tu wotapi tawa qon he tohni nakišnašniyan škan ecee qa otokaheya winyan omni- ciye icalyapi qon Louise Camp- bell wanji hee qa hehantanhan nahanli nakun anpetu kin dehan- yan Itani yanke. Hececa nakaš tohan Winyan omniciye kin api- ciyapi eca ohni Oitancan kin he wanji yušanpi ecee. Ho ito hekta omaka sakowin kin iwa- nunyakapi kte, Winyan omniciye owicape cin he Mar. 27, 1894, qonhan Oitancan apikiyapi un- kan omaka wanji on Louise Campbell mazaska awanyaka yu- štanpi. Hehan ake Apr. 17, 1895, qonhan Oitancan apikiyapi qa omaka wanji on Louise Campbell wayazanka Awan- yake kta yušanpi. Hehan ake April 8, 1896, qon- han omaka wanji on Oitancan apikiyapi qa Louise Campbell wayazanka awanyake kta yušan- Hehan ake Apr. 21, 1897, qon- han omaka wanji on Oitancan apikiyapi qa Louise Campbell Itancan yušanpi. Hehan ake Apr. 13, 1898, qonhan omaka wanji on Oitancan apikiyapi qa Louise Campbell Itancan yu- štanpi. Hehan hetanhan ake Apr. 5, 1899, en omaka wanji on apikiyapi kin en ope sni tka he- nakun ituya sni, he makoce iwanhdag ye kte cin kitanna te- han ekta un kta e heon he kinna- kapi. Hehan April 18, 1900, qonhan wi šakpe on Oitancan apikiyapi qa Louise Campbell Itancan okihe yušanpi. Hehan ake Oct. 3, 1900, qonhan omaka wanji on Oitancan apikiyapi qa Louise Campbell Wowapi kaga yušanpi.

Ho hecen winyan tona winyan omniciye kin in- yang kiyapi qon hena owi- capeya Louise Campbell ou- ye cin he wandakapi qa nina mniheca sdonwaye. Tohan an- petu owastecake qa oiyokipi kin henana kafinilt winyan omniciye econ sni tka tohan nakun anpetu wan magaju qais icanna esta an- petu wan en winyan omniciye econpi kte cin hee ehantans oki- ni winyan yamni is topa ecen en škanpi ehantanhan Louise Camp- bell he wanji ee ecee. Hehan wacekiye ipi wastedake qa ohni owacekiye owasin en un ecee. Anpao abdeza wo, owacekiye owasin ape cin he anpetu wakan kin en Hihanna wacekiyapi kin hecena wake sni tka owasin epe. Hehan Tipi wakan tawa kin ohni en etonwa, qa itimahan taku wanji on oiyokipiya he kta iye- ceca kin hena ohni en etanwe. Ho tka iyotan Ate Cook qais miye taku wan tohan Winyan omniciye kin on Okodakiciye wakan kin etkiya unkiyukcanpi qais unkonzapi kin owasin Louise Campbell anaungoptanpi, token unkapi qon oknayan, econ kta e ohni tawacin ecee. Ho dee lica on iyotan nina owakiliyine cin hee, qa winyan omniciye mitawa kin en ake tuwe wan hece mni- henya škan kta hwo? ecanmi un- kan oiyomakišice, tka akeš Mr. Hunter iweciyuškin. Eya ta- komni Louisa Campbell iyoyan- pa tawa kin wicaša itokam, kdu-

wiyakpa kin eciyatanhan toban waste kin Mr. Hunter makaiyu- tapi wikcemna tob un esa heciya- tanhan tanyan wanyake cin on icewinnakes Mr. Hunter istabde- zece ecanwakin, qa iyotan Ihan- ktonwan winyan unpi qa oyate kin de winyan kin tanyan iyeki- yapi kta wacin kin on de wakage.

Wakankiciyuzapi kte cin ito- kam anpetu wakan qon he eya he tuwe wan Louise Campbell i en hiyeye kta wan yuha wadake sni tka ee Okodakiciye Wakan qon he tawoope qon hee weciye- cetutu kta e mitawacin qa on de- cen weciyanan. Mr. Thomas Hunter, Yankton Agency, So. Dak. etanhan qa Miss Louise Campbell, Santee Agency, Ne- braska etanhan kiciyuzapi kta yaotaninpi kin he obdaka. Wan- ji nituktepi kašta taku wanji on icagipi qa kiciyuzapi kte sni iye- eeca, qa on Tuwe nonpapi kin Wakankiciyuzapi kin on iciko- yagwicayapi kta iyecceca sni e- sdonyayapi hecinhan yaotanin po. De tokaheya woiwange kin hee ee epe. Hecamon qa anpe- tu wakan wanji nongoptan waun qeyas toka sni. Ake iyohakam ake iapi kin hena ostan epe qa ihanke kin en De inonpa woi- wange kin hee ee epe qeyas ake toka sni, ho hecetuyakes wanna oape wan kiciyuzapi kte cin iye- hantu unkan Louise Campbell tokadaku qon tipi wakan kin paotins yankapi qa wicota- canakanyankapi iyohipi sni qon hena najinhanhan najinpi. Tipi wakan timahen hiyupi kte cin itokam Miss Edith Ira cando- wankiyapi kin pakinze qa ohna- yan wohnawošnapi kin etkiya mani upi Mr. Samuel Baskin qa Miss Eunice Kitto henaos waa- yatanin qon epi tokaheya isto- ikoyagkiciya manipi qa hehan ki- ciyuzapi kte cin hektatanhan manipi, qa wanna waayatanin qon hihunnipi qonhan kakinun- kankiya inajinpi qa kiciyuzapi kte cin oekaya hinajinpi, qon- han wicohan wakan kin de on Wakantanka token eye cin he Okodakiciye Wakan kin weciya- tanin qa ake nakun hekta nonpa wawimenge qon oknayan decen epe Wicaša tuwe kašta taku on kiciyuzapi kta iyecceca sni, sdonya hecinhan, dehan taninyan eye kta ee epe qeyas takomni Louisa Campbell hee nakaš tuweni taku eye kta okihi sni ho hecetuyakes miš eya wanna hemahanyena qa, qais detanhan tokata ohini inina un kta ee epe qa Okiyuze wakan kin de wicaweciyan. Wicaša wakan makagapi qon ehantanhan wanna de iwiccemna noni sam napeinwang kiciyus wicawaki- ye, tka ehake kin de iyotan oiy- okipi wakida. Wakankiciyuzapi wotapi qon he de anpetu kin econpi qa wicokaya kin hetanhan wotapi, Agency en Wasicun unpi kin ataya qa kdesni owayawa en waonspekiyapi kin qa Dakota kin qa ecen awiiyayapi, ho hecen Isanyati kin oanpetu wanjigi oi- yokipi yuhapi kin on oakiktonje otelike qon de heca kta wadake. Mrs. Louise Campbell Hunter tiwahe en itimahan taku yuhapi waste kin nina ota takodawicaye cin kahipi qa woyuha kin wan- jigji owanyag waste qa tehanhan yuhapi kta iyecetu qon heca awabdeze, hececa esta Mrs. Louise Hunter taku onspeonki- yapi qon he wanjini iyehanyam wadake sni.

William Holmes.